

## SUTT'ACQUA E SUTTA JENTU

Sutt'acqua e sutta jentu navigamu  
E sutta u fundu nata lu delfinu.

Rit. Mamma la rondinella, mamma la rondinà  
Mamma la rondinella gira vola e se ne va. (2V)

Nui simu do maranci su nu ramu  
E tutti doi l'amore nui facimu.

Rit. (2V)

Vene lu jentu e cotula lu ramu  
Tenite Ninella mia senò catimu.

Rit. (2V)

E se catimu nui a 'nterra sciamu  
E simu de cristallu e ne rumpimu.

Rit. (2V)

Ulia cu te lu dau nu vasu a 'ncanna  
Dopu vasata cu te vasu 'ntorna.

Rit. (2V)

Ulia cu te lu dau lu core meu  
Nu me nde curu ca ieu senza vau.

Rit. (2V)